

okviru policijskih stanica i Jedinice za saobraćaj tekst: "Posebne uniforme za policijske službenike pripadnike vodova za sprječavanje narušavanja javnog reda i mira u većem obimu u okviru policijskih stanica i Jedinice za saobraćaj" mijenja se i glasi: "Posebne uniforme za policijske službenike pripadnike vodova interventne policije".

Član 8.  
(Izmjene člana 6.)

- (1) U članu 6. naziv člana mijenja se i glasi: "(Posebne uniforme i dijelovi uniformi za policijske službenike pripadnike vodova interventne policije)".
- (2) U stavu (1) riječi: "Uniforma za policijske službenike pripadnike vodova za sprječavanje narušavanja javnog reda i mira u većem obimu u okviru policijskih stanica i Jedinice za saobraćaj sastoji se od:" zamjenjuju se riječima: "Uniforma za policijske službenike pripadnike vodova interventne policije sastoji se od:".
- (3) Stav (2) mijenja se i glasi: "Uniformu iz stava (1) ovog člana zadužuju svi policijski službenici pripadnici vodova interventne policije, a u slučaju potrebe i na osnovu odluke policijskog komesara i drugi policijski službenici.".

Član 9.  
(Izmjena člana 13.)

U članu 13. u stavu (1) tačka a) podtačka 1) riječi: "za ekstremno velike temperature" se brišu.

Član 10.  
(Izmjena člana 17.)

U članu 17. u stavu (6) riječi "policijski službenici u vodovima za sprečavanje narušavanja javnog reda i mira u većem obimu u policijskim upravama i Jedinici za saobraćaj" zamjenjuju se riječima: "policijski službenici pripadnici vodova interventne policije".

Član 11.  
(Izmjene Priloga broj 1)

- (1) U Prilogu broj 1 naziv Priloga mijenja se i glasi: "TEHNIČKE, OPISNE I FUNKCIONALNE SPECIFIKACIJE POJEDINIH DIJELOVA UNIFORMI ZA POLICIJSKE SLUŽBENIKE SEKTORA ZA POLICIJSKU PODRŠKU I VODOVA INTERVENTNE POLICIJE"
- (2) U Prilogu broj 1 u naslovu tačke III riječi: "Jedinice za podršku" zamjenjuju se riječima: "Jedinice interventne policije i Jedinice operativne podrške"
- (3) U Prilogu broj 1 u naslovu tačke IV riječi: "Jedinice za podršku" zamjenjuju se riječima: "Jedinice interventne policije i Jedinice operativne podrške"
- (4) U Prilogu broj 1 tačka IV u tekstu podnaslova "Jakna zimska" riječi: "JEDINICA ZA SPECIJALISTIČKU PODRŠKU" zamjenjuju se riječima: "SPECIJALNA POLICIJSKA JEDINICA."
- (5) U Prilogu broj 1 u naslovu tačke V riječi: "Uniforma za policijske službenike operativnog upadnog ronilačkog tima:" zamjenjuju se riječima: "Ronilačka uniforma".
- (6) U Prilogu broj 1 u naslovu tačke VI riječi: "Uniforma za policijske službenike operativnog upadnog alpinističkog tima:" zamjenjuju se riječima: "Alpinistička uniforma".
- (7) U Prilogu broj 1 u naslovu tačke IX riječi: "Uniforme za pripadnike vodova za sprečavanje narušavanja javnog reda i mira u većem obimu" zamjenjuju se riječima: "Uniforme za policijske službenike pripadnike vodova interventne policije".
- (8) U prilogu broj 1 u podnaslovu tačke IX riječi: "Pojedini dijelovi uniforme za policijske službenike pripadnike vodova za sprečavanje narušavanja javnog reda i mira u okviru policijskih stanica i Jedinici za saobraćaj imaju sljedeće karakteristike:" zamjenjuju se riječima: "Pojedini dijelovi uniforme za policijske službenike pripadnike vodova interventne policije imaju sljedeće karakteristike:".

Član 12.

(Izmjene Priloga broj 4)

U Prilogu broj 4 u tekstu podnaslova "Dopunski dijelovi jedinstvene policijske uniforme za motocikliste:" riječi: "za ekstremno velike temperature" se brišu.

Član 13.

(Stupanje na snagu)

Ovaj pravilnik stupa na snagu osmog dana od dana objavljivanja u "Službenim novinama Kantona Sarajevo".

Po ovlaštenju premijera

Ministar

Broj 01-9-04-5463/22

28. septembra 2022. godine Dr. sc. **Omer Osmanović**, s. r.

**Ministarstvo zdravstva Kantona Sarajevo**

Na osnovu člana 13. stav (1) tačka 1), 2) i 3) Zakona o zdravstvenoj zaštiti ("Službene novine Federacije BiH", br. 46/10, 75/13) kojim su utvrđene mjere za osiguranje i provođenje zdravstvene zaštite od interesa za građane na području kantona, a sa ciljem ostvarivanja društvene brige za zdravlje građana na nivou Kantona Sarajevo, Ministar zdravstva Kantona Sarajevo donosi

**PRAVILNIK**

**O IZMJENAMA I DOPUNAMA PRAVILNIKA O ZDRAVSTVENIM USLUGAMA ZA KOJE SE NE MOŽE FORMIRATI LISTA ČEKANJA NA PODRUČJU KANTONA SARAJEVO**

Član 1

U Pravilniku o zdravstvenim uslugama za koje se ne može formirati Lista čekanja na području Kantona Sarajevo ("Službene novine Kantona Sarajevo", broj 36/22) u članu 4. dodaje se stav novi stav koji glasi:

"(5) Zdravstvene usluge iz priloga 1. ovog pravilnika imaju tretman hitnih usluga za koje se ne može formirati lista čekanja, te ne podliježu naplati ličnog učešća osiguranih lica".

Član 2.

Član 5. mijenja se i glasi:

- "(1) U slučaju ostvarivanja usluge u skladu sa članom 4. stav (3) ovog pravilnika, osigurano lice ima pravo na refundaciju sredstava od Zavoda, najviše do iznosa propisanog po zvaničnom cjenovniku utvrđenom od strane Federacije BiH a u svakom slučaju ne više od zvaničnog cjenovnika ustanove u kojoj je pružena zdravstvena usluga.
- (2) Za zdravstvene usluge koje nisu obuhvaćene zvaničnim cjenovnikom Federacije BiH refundirat će se iznos prema zvaničnom cjenovniku ustanove koja je pružila zdravstvenu uslugu.
- (3) U slučaju da se cijena zdravstvene usluge koju osiguranik plati i zvanična cijena utvrđena od strane Federacije BiH razlikuju, razliku snosi osiguranik iz ličnih sredstava.
- (4) Zavod je dužan izvršiti refundaciju sredstava u roku do 30 dana od dana podnošenja zahtjeva.
- (5) Sredstva za refundaciju osiguranom licu, Zavod obezbjeđuje umanjem sredstava ugovornoj ustanovi koja nije obavila uslugu u planiranom roku.
- (6) Refundaciju sredstava, pod uslovima koji važe za osiguranika, može tražiti i zdravstvena ustanova koja je uslugu pružila.
- (7) Uz zahtjev za refundaciju, zdravstvena ustanova je dužna dostaviti dokaze kojima se dokazuje ispunjenost uslova iz ovog Pravilnika (original uputnica sa naznakom narudžbe u ugovornoj zdravstvenoj ustanovi, potvrda o naručivanju u ugovornoj zdravstvenoj ustanovi ukoliko je izdata posebno, dokumentacija koja dokazuje ispunjenost uslova propisanih ovim pravilnikom), te dokaz da je usluga pružena (originalni račun i izjavu pacijenta)."

## Član 3.

U članu 8. stav (5) mijenja se i glasi:

"Ako se zdravstvena usluga ne može pružiti u roku datom u Prilogu 1. ovog pravilnika, zdravstvena usluga se osiguranom licu pruža u drugoj ustanovi u skladu sa stavom (3) član 4. ovog pravilnika"

## Član 4.

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 10-33-32390-3/22

19. septembra 2022. godine

Sarajevo

Ministar

Prof. dr. **Haris Vranić**, s. r.

**OPĆINA CENTAR SARAJEVO****Općinsko vijeće**

Na osnovu člana 2.12 Izbornog zakona Bosne i Hercegovine ("Službeni glasnik BiH", broj 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20 i 51/22), člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini ("Službeni glasnik BiH", broj 67/21, 73/21 i 13/22) i člana 10. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na 5. vanrednoj sjednici održanoj dana 22.09.2022. godine, donijelo

**ODLUKU****O OBJAVLJIVANJU JAVNOG OGLASA ZA IMENOVANJE 6 (ŠEST) ČLANOVA OPĆINSKE IZBORNE KOMISIJE CENTAR SARAJEVO**

## Član 1.

(Predmet odluke)

Ovom Odlukom utvrđuje se obaveza Općinskog vijeća Centar Sarajevo - da objavi javni oglas za imenovanje 6 (šest) članova Općinske izborne komisije Centar Sarajevo (u daljem tekstu OIK), trajanje mandata i uslovi za člana OIK, mjesto oglašavanja javnog oglasa, rok za podnošenje prijave i tekst javnog oglasa.

## Član 2.

(Trajanje mandata i uslovi za člana OIK)

Mandat članova izborne komisije traje 7 (sedam) godina i teče od dana davanja saglasnosti Centralne izborne komisije Bosne i Hercegovine na odluku, Općinskog vijeća Centar Sarajevo, o imenovanju članova OIK.

U skladu sa Izbornim zakonom i Uputstvom, kandidat za člana OIK, mora ispunjavati opće i posebne uslove.

Opći uslovi:

- da je osoba sa pravom glasa;
- da je osoba sa odgovarajućom stručnom spremom i iskustvom u provođenju izbora.

Posebni uslovi:

- da ima prebivalište u općini Centar Sarajevo;
- da ima završen fakultet VII/I stepen stručne spremlje ili završen fakultet Bolonjskog sistema studiranja sa najmanje 180 ECTS;
- da ima iskustvo u provođenju izbora.

Pod iskustvom u provođenju izbora, podrazumijeva se:

- članstvo u izbornoj komisiji;
- članstvo u biračkom odboru na izborima obuhvaćenim Izbornim zakonom BiH.

## Član 3.

(Mjesto oglašavanja i rok za podnošenje prijave)

Javni oglas, iz člana 1. ove Odluke, objavit će se u najmanje jednom dnevnom listu, koji izlazi na području Bosne i Hercegovine i na zvaničnoj web stranici Općine Centar Sarajevo.

Javni oglas ostaje otvoren 8 (osam) dana od dana objavljivanja.

## Član 4.

(Sadržaj javnog oglasa)

Tekst javnog oglasa iz člana 1. ove Odluke, pored općih uslova propisanih zakonom, mora sadržavati i posebne uslove propisane u članu 2.2, 2.3. i 2.14 Izbornog Zakona BiH i čl. 2., 3. i 4. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini, kao i vrijeme trajanja mandata.

Sastavni dio ove Odluke čini tekst Javnog oglasa.

## Član 5.

(Komisija za provođenje postupka po javnom oglasu)

Općinsko vijeće će posebnim aktom imenovati komisiju za provođenje postupka po javnom oglasu (Konkursnu komisiju), u čijem sastavu obavezno mora biti najmanje jedan član pravne struke i/ili osoba sa izbornim iskustvom.

## Član 6.

(Stupanje na snagu)

Ova Odluka stupa narednog dana od dana objavljivanja u "Službenim novinama Kantona Sarajevo".

Broj 01-04-78/22

22. septembra 2022. godine

Sarajevo

Predsjedavajući

Općinskog vijeća

**Sejad Dozo**, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06, 51/09), člana 10. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04) i člana 87. Poslovnika Općinskog vijeća Općine Centar Sarajevo ("Službene novine Kantona Sarajevo", broj 23/04, 11/13, 13/17, 24/19, 31/19 i 29/20), Općinsko vijeće Centar Sarajevo je na 5. vanrednoj sjednici Općinskog vijeća održanoj dana 22.09.2022. godine, donijelo

**ODLUKU****O DAVANJU SAGLASNOSTI OPĆINSKOM NAČELNIKU ZA DAVANJE OVLAŠTENJA PUNOMOĆNIKU ZA ZASTUPANJE PRED SUDOVIMA, ORGANIMA DRŽAVNE UPRAVE I PRIVREDNIM ORGANIZACIJAMA U CRNOJ GORI**

## Član 1.

Općinsko vijeće Centar daje saglasnost općinskom načelniku za davanje ovlaštenja za zastupanje punomoćniku Vukašinu Šimraku, advokatu iz Herceg Novog, država Crna Gora, pred sudovima, organima državne uprave i privrednim organizacijama u Crnoj Gori, a konkretno za nekretninu koja se nalazi u gradu Herceg Novi, Hotel Zelenika, država Crna Gora, označena po starom premjeru kao čest. zgr. 54, 55 i 65 i čest. zem. 564/1, 564/2 i 557/3, sve upisano u zk. ul. br. 85 KO Sasovići, kao i čest. zem. 567/1, upisana u zk. ul. br. 87 KO Sasovići, a predmetne nepokretnosti po novom premjeru odgovaraju katastarskoj parceli br. 34/1 sa objektima 1 i 2 i kat. parc. 34/2, sve upisano u LN 166 KO Sasovići, kao i eventualno neke druge nepokretnosti koje ne ulaze u sastav ovih numeričkih oznaka, a u tom slučaju proizilazi potreba postupanja u odnosu i na te nepokretnosti.

## Član 2.

Općinski načelnik ovlašćuje se, da odmah po stupanju na snagu ove Odluke, ovlasti punomoćnika Vukašina Šimraka, advokata iz Herceg Novog, država Crna Gora, a na način kako je to precizirano odredbom člana 1. Odluke.